

Broj:01/VII-10-1-1436-1/18
Sarajevo,19.04.2018. godine

Istinomjer.ba tim
istinomjer@istinomjer.ba
Envera Šehovića 10
71000 Sarajevo

Predmet: *Odgovor na medijski upit o nabavci citostatika, dostavlja se*

Poštovani,

Zavod zdravstvenog osiguranja i reosiguranja Federacije BiH u skladu sa Odlukom o listi lijekova fonda solidarnosti Federacije BiH („Službene novine Federacije BiH“, broj:3/18) vrši finansiranje lijekova sa Liste lijekova u bolničkoj zdravstvenoj zaštiti koji se mogu koristiti na teret sredstava fonda solidarnosti federacije BiH. U navedenoj Listi nalaze se i lijekovi za liječenje malignih neoplazmi i lijekovi za liječenje malignih neoplazmi sa posebnim režimom propisivanja (citostatici).

U vezi sa navedenim upitom o nabavci citostatika infirmišemo vas kako slijedi:

1. **Zavod zdravstvenog osiguranja i reosiguranja Federacije BiH obavezan je provoditi postupke javnih nabavki za svaki lijek pa i za citostatike u skladu sa Zakonom o javnim nabavkama i potpisati ugovore o nabavci i isporuci lijekova sa ugovornim veledrogerijama/dobavljačima koji imaju odobrenje Agencije za promet lijekova i koji se ugovorom obavezuju između ostalog i na kontinuiranu isporuku ugovorenih lijekova. Nakon potpisivanja ugovora o nabavci i isporuci lijeka na period od godinu dana sa ugovornom veledrogerijom/dobavljačem Zavod nema mogućnost za nabavku lijeka od drugih dobavljača, u slučajevima kada je lijek deficitaran pa i u slučajevima kada na tržištu postoji generička paralela ili biološki sličan lijek drugog proizvođača. Iz navedenog se može zaključiti da primjena pojedinih odredbi Zakona o javnim nabavkama limitira Zavod u postupanju u slučaju deficitarnosti lijekova.**
2. Postupak nabavke citostatika provodi su u skladu sa odredbama Zakona o javnim nabavkama, kao što je pojašnjeno u tački 1. jer lijekovi nisu izuzeti iz navedenog Zakona iako je to u više navrata traženo, ili da Zakon u određenim segmentima kada su lijekovi u pitanju bude fleksibilniji kao što je prevazilaženje problema deficitarnosti lijekova.
3. Osim navedenog, problem deficitarnosti uzrokuje i činjenica da se gotovo svi lijekovi iz grupe citostatika uvoze od proizvođača iz Evropske unije, Kanade, Japana i SAD, te da se radi o multinacionalnim kompanijama za koje je tržište BiH isuviše maleno da bi bilo prioritet u proizvodnim planovima. Samim tim priprema serija lijeka za tržište BiH navedenim proizvođačima nije prioritet, a navedeno stvara probleme ugovornim veledrogerijama/dobavljačima u proceduri uvoza. Veoma je čest slučaj da se pojedini proizvođači povuku sa tržište BiH (Actavisi dr.) pri čemu i lijekovi koje proizvode gube status registrovanog lijeka i time je otežana njihova nabavka. Veoma često u postupcima javnih nabavki za citostatike nema dostavljenih ponuda od strane dobavljača, pogotovo kada su u pitanje neregistrovani lijekovi, te se moraju voditi hitni postupci ukoliko uopšte bude zainteresovanih dobavljača obzirom na količine lijekova i finansijsku vrijednost postupka.
4. Netašicama lijekova pogoduje i finansijsko poslovanje Zavoda imajući u vidu činjenicu da nedostatak sredstava fonda solidarnosti iz kojih se finansira i nabavka pomenutih lijekova onemogućava stvaranje optimalnih zaliha u zdravstvenim ustanovama u kojima se koriste ovi lijekovi, za jedan duži vremenski period. Za finansiranje zaliha lijekova za period od dva mjeseca u zdravstvenim ustanovama Zavodu su potrebna dodatna sredstva u iznosu od 8-9 miliona KM kojima Zavod ne raspolaže.

Finansijski plan Zavod usvajaju Vlada i Parlament Federacije i za svaku grupu lijekova predviđena su finansijska sredstva za fiskalnu godinu, na osnovu planiranih prihoda po osnovu doprinosa i sredstava iz Budžeta.

Činjenica je da kod ugovornih dobavljača povremeno dolazi da deficitarnosti iz različitih razloga na koje Zavod nije u mogućnosti uticati, a nije u mogućnosti ni izvršiti nabavku od drugog dobavljača jer morao bi ponovo voditi postupak javne nabavke koji traje 4-5 mjeseci.

Uvažavamo činjenicu da je svaki lijek pacijentima bitan, ali želimo ukazati i na to da Zavod trenutno finansira nabavku 68 lijekova samo iz grupe citostatika sa preko 167 različitih oblika i jačina.

Iz tog razloga za deficitarne lijekove koje pacijenti sami obezbijede Zavod je jedino u mogućnosti vršiti refundiranje troškova u ukupnom iznosu direktno pacijentima temeljem dostavljene dokumentacije.

S poštovanjem,

Dostaviti:

*- naslovu
- a/a*

Pripremio:

Kontrolisao:

v.d. Direktor

doc. dr. sc. Vlatka Martinović, dr. med.